

Ha n'hon laosket ket da gouezh en tantasion  
Met hon diwallit doc'h an droug.

*Ar beleg : Plijet genoc'h, Aotrou Doue, ... ha distro hor Salver Jezuz-Krist :*  
**R/ : Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.**

### Lid ar peoc'h :

*Ar beleg : Salver Jezuz-Krist... a-holl-viskoazh da virviken.*  
*Peoc'h hor Salver a vo bepred genoc'h.* **R/ : Ha get ho spered !**

### Oan Doue :

Oan Doue a lam pec'hedoù ar bed : ho peet truez doc'homp ! (bis)  
Roit deomp ar peoc'h !

### Kent ar gomunion :

*Ar beleg : Eürus ar re a zo galvet da bred santel an Oan.*  
*Setu Oan Doue, an hini a lam pec'hed ar bed :*

**R/ : Man Doue, ned on ket dign ma teet davedon,  
met lârit ur ger hepken hag e vo aeset din.**

### Komunion :

**Meulit an Aotrou Doue, C'hwi holl, e draoù krouet,  
Traoù hag a weler splann, traoù ha ne weler ket,  
Meulit e holl gelloud hiriv, àrc'hoazh, bemdez,  
Meulit da virviken, meulit an Aotrou Doue !**

**Meulit an Aotrou Doue, pobloù an douar, krouet,  
Doc'h e limaj santel ha get e wad prenet ;  
Brudit e vadelezh, bannit e garantez,  
Meulit da virviken, meulit an Aotrou Doue !**

**Meulit an Aotrou Doue, àr ho tron lugernus,  
E mor bras ar splannder, e-tal ho Mab Jezuz,  
Gwerc'hez santel Mari, kanit ho garantez,  
Meulit da virviken, meulit an Aotrou Doue !**

### 'Cit kloziñ an oberenn :

*Ar beleg : An Aotrou Doue geneoc'h :* **R/ : Ha get ho spered !**  
*Ar beleg : Doue hollgelloudek d'ho pennigiñ :*  
*An Tad, ar Mab hag ar Spered Santel.* **R/ : Amen !**  
*Ar beleg : Kerzhit e peoc'h hor Salver :* **R/ : Bennozh da Zoue !**

### Kan-dibenn :

Patronez ar Vretoned, ha Rouanez Breizh-izel,  
Setu-ni e perc'hinded, stouet en ho chapel !  
**Santez Anna, reit deomp ar peoc'h, get doujañs Doue,  
Gouarnit bepred e pep tiegezh ar garantez.**  
E pep ti, lakait anfin blevenn ar santelezh,  
Ma chomo da virviken divlamm ho rouantelezh.

# Parrez KerAnna

14<sup>e</sup> Sul ordinal blead B  
4 a viz Gourhelen 2021

1<sup>h</sup> lenn. : Ez 2,2-5      2<sup>l</sup> lenn. : Ko 12,7-10      Aviel : Mk 6,1-6

### Kan digor :

Spered Santel, dait, ni ho ped, E kalonoù ho fideled, Ha dalc'hit bev enne bemdez An tan-flamm ag ho karantez.	Degasit, man Doue, ho Spered, Hag, en holl vroioù ag ar bed, Getañ pep tra en do buhez, pep tra a vo graet a-nevez.
Dre ho Spered, an displed 'Zo daet un deiz da vout parfet ; Drezañ deomp-ni roit gouiegezh Hag e pep tra koñfort ha peoc'h.	

### Salud d'ar bobl :

*Ar beleg : Gras hor Salver Jezuz-Krist, karantez Doue an Tad  
hag unaniezh ar Spered Santel, ra vint geneoc'h-holl :*

**Respont : Ha get ho spered !**

### Kyrie (Ordinal hervez ton gwerz Pontkalleg)

### Gloria : (Guilloù) Gloria ! Gloria ! In excelsis Deo ! (2 wezh)

Peoc'h àr an douar d'an dud karet getañ ; Ho meuliñ a reomp. Ho trugarekaat a reomp. Hoc'h adorin a reomp. Enor deoc'h a ganomp ha mil bennozh aveit ho kloar hep par. Aotrou Doue, Roue an neañv, Doue an Tad hollgellougek.  
*Aotrou, Mab unganet, Salver Jezuz. Aotrou ha Doue, Mab an Tad. C'hwi hag a lam pec'hed ar bed, ho pet truez doc'homp. C'hwi hag a lam pec'hed ar bed, degemerit hor pedenn. C'hwi hag a zo azezet en tu dehoù d'an Tad, ho pet truez doc'homp.*

Rak C'hwi hepken a zo santel. C'hwi hepken a zo Mestr. C'hwi hepken a zo uhelmeurbet, Salver Jezuz, Get ar Spered Santel, e gloar Doue an Tad. Amen !

### Lennadenn getañ : Lennadenn tennet a ziougan Ezekiel

*En deizioù-se, ur spered a yeas ennon hervez ar pezh en devoa lâret din, hag am lakaas àr sav àr ma zreid, hag e klevis an hini a gomze doc'hon. Lâret a reas din : «Mab-den, ho kas a ran davet maboù Izrael, davet ur boblad tud emsavet, ur boblad hag a zo en em savet a-enep din. Int-i hag o zadoù a zo bet treitour em c'heñver betek an deiz-mañ. Davet ar maboù-se kalet a benn hag aheurtet a galon, davet ar re-se en ho kasan evit ma lâreet dezhe : Evel-mañ e komz an Aotrou !» Hag int-i, pe e selaouint pe ne rint, rak un anien rekinus int, a ouio eh eus ur profed en o mesk.*

*Setu komz an Aotrou Doue : Bennozh da Zoue !*

## Psalm 123 :

### **Hon daoulagad àr-zu an Aotrou ken en devo truez doc'homp !**

*Sevel a ran man daoulagad tremazoc'h,*

*C'hwi é chom en neañv.*

*Setu int 'vel daoulagad serviterion*

*trema daouarn o mistr.*

*'Vel daoulagad ur vatezh davet daouarn he mestrez,*

*evel-se hon daoulagad trema an Aotrou,*

*hon Doue,*

*é c'hortoz m'en devo truez doc'homp.*

*Ho peet truez, Aotrou, ho peet truez doc'homp,*

*rak oc'hpenn hor gwalc'h a zismegans hon eus bet da lonkiñ;*

*oc'hpenn e walc'h en deus lonket hon eneañv*

*a c'hoaperezh ar vondianed, a zismegañs an dud lorc'hus.*

## Cil lennadenn : Lennadenn tennet a eil lizher S. Paol d'ar Gorintiz

*Mam Breuder, evit miret nen dahan hag en em sevel re en arbenn ag an traoù ken uhel a zo bet dizoloet din, eh eus bet lakaet din ur broud em c'horf, un ael da Satan, karget d'em flemmiñ ha d'em jotadiñ. Rak-se em eus pedet an Aotrou, dre deir gwezh, d'er pellaat a zoc'hon. Ha Doue en deus lâret din : «Sikour a-walc'h az peus bet get man gras ; rak er gwannedigezh e splann man gelloud». Gwel eo genin enta chom get man gwannedigezh evit ma vo gwelet gelloud ar C'hrist é chom ennon.*

*Neuze en em blijan em gwannerioù, en dismegañsoù, er prederioù, er jahinerezhioù, en ankenioù gouzañvet evit ar C'hrist ! Rak, pa vên gwann, neuze e vên nerzhus.*

*Setu komz an Aotrou Doue : **Bennozh da Zoue !***

## Allelouia :

*Spered an Aotrou a zo àrnon :*

*Ma c'haset en deus da skigniñ ar c'heloù mat d'ar beorion.*

Ar beleg : *An Aotrou Doue genoc'h : **Ha get ho spered.***

Ar beleg : *Lennadenn ag an Aviel santel hervez St Mark.*

Ar bobl : **Gloar deoc'h-Chwi, ô Aotrou Krist !**

## Abiel : Pennad tennet ag aviel Sant Mark

*En amzer-se e teuas Jezuz d'e vamm-vro hag e zisiplad a zeuas d'e heul. Ha pa oa daet deiz ar Sabad en em lakaas da gelenn er Sinagogenn. An darn vrasañ ag ar re a oa doc'h er selaou a oa souezhet-bras an holl anezhe hag e lârent : «A beban e teua kement-se da henañ ? Petra eo ar furnezh a zo bet roet dezhañ hag ar burzhudoù bras a vez graet dre e zaouarn ? Daoust ma n'eo ket hennezh ar c'halvez, mab Mari, ur breur da Jakez, da Jozef, da Jud ha da Simon ? Daoust ma n'eo ket e c'hoarezed en hor mesk ? » Hag e kavent lec'h ennañ da vout skandalizet. Met Jezuz a lâras dezhe : «Ned eo disprizet ur profed nemet en e*

*vro, e-mesk e gerent hag en e di e-unan.» Ha ne c'hellas gober burzhud ebet eno, nemet un nebeut tud klañv a aeasas dezhe dre astenn e zaouarn àrnehe. Ha souezhiñ a reas dirak o bihan a feiz.*

En dibenn : ar beleg : Setu Komz an Aotrou :

**R/ : Meuleudi deoc'h, ô Aotrou Krist !**

**Kredo : Me 'gred e Doue, an Tad hollgelloudek,** Kroueour an neañv hag an douar, hag e Jezuz-Krist, e Vab unganet, hon Aotrou, a zo bet koñsevet dre nerzh ar Spered Santel, ganet ag ar Werc'hez Vari, en deus gouzañvet dindan Poñs Pilat, a zo bet staget doc'h ar groaz, marvet ha bet lakaet er bez, diskennet d'an ifernioù, deuet a varv da vev an drivet deiz, pignet d'an neañv, hag azezet en tu dehoù an Tad, a-eno e teuay da varn ar re vev hag ar re varv.

Me 'gred er Spered Santel, en Iliz santel katolik, e kumunded ar Sent, e pardon ar pec'hedoù, e adsav ar re varv, er vuhez peurbadus. Amen !

## **Pedenn hollbedel :**

**Aotrou, hon Doue, ô Tad Santel, selaouit hor pedenn !**

**Lid ar profoù : ar beleg :** *Pedit, mam breudeur, ma plijo get Doue an Tad holl-gelloudek degemer ma sakrifis a zo ivez ho hani-c'hwi :*

**R/ :** *Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hani an Iliz.*

## **Prefas :**

*Ar beleg : An Aotrou Doue genoc'h :*

**R/ : Ha get ho spered !**

*Ar beleg : Hor c'halon d'an uhel :*

**R/ : Emañ troet trema Doue !**

*Ar beleg : Trugarekaomp hon Aotrou Doue :*

**R/ : Just ha santel eo !**

## **Santel :**

**Santel ! Santel ! Santel ! An Aotrou Doue, Mestr an ne hag an douar !**

Laan eo get ho kloar an neñv hag an douar : **Hosanna e lein an ne !**

Ra vo benniget an hani a za e anv an Aotrou Doue : **Hosanna e lein an ne !**

## **Gorreoù :**

**Gloar Deoc'h-C'hwi marv àr ar groaz ! Gloar deoc'h-C'hwi, Jezuz !**

**Adsavet leun a vuhez, hon Salver !**

**Hag hon Doue, C'hwi zeuay en-dro, Splander lugernus !**

**Setu-ni àr-sav doc'h ho kortoz !**

## **Hon Tad :**

hag a zo en neañv, hoc'h anv ra vo santelaet,

Ho rouantelezh degaset deomp,

Ho vennantez ra vo graet àr an douar 'vel an neañv.

Roit deomp hiriv hor bara pemdeziek,

Pardonit deomp hor pec'hedoù,

'vel ma pardonomp d'ar re o deus pec'hed doc'homp,